


*Sarajevska berza vrijednosnih papira – statistika Septembar 2013.*

U septembru 2013. godine na Sarajevskoj berzi-burzi ostvaren je ukupan promet od 53.656.904,70 KM, što čini 44,78 % od ukupnog prometa koji je ostvaren na BH berzama. U sklopu 659 transakcija prometovano je 2.074.254 vrijednosna papira.

*Promet po vrstama trgovine:*

Promet po vrstama trgovine	Promet (KM)	Promet (VP)	Broj transakcija
<b>BTS Trgovina</b>			
Redovna berzanska trgovina	3.607.082	1.975.966	638
Vanredne i posebne aukcije	0	0	0
Primarna trgovina	49.532.912	5.000	13
<b>Prijavljena trgovina</b>			
Paketi dionica	500.658	90.535	1
Vanberzanske transakcije	16.250	2.753	7
<b>Ukupno</b>	<b>53.656.904</b>	<b>2.074.254</b>	<b>659</b>

*Promet po danima:*

*Promet po tržišnim segmentima – redovna berzanska trgovina:*

	Promet (KM)	Promet (VP)	Broj transakcija
<b>Kotacija kompanija</b>	258.703	19.013	55
<b>Kotacija fondova</b>	214.795	54.373	150
<b>Kotacija obveznice</b>	1.414.189	1.811.934	165
<b>Primarno slobodno tržište</b>	1.079.518	59.552	234
<b>Sekundarno slobodno tržište</b>	616.561	25.482	18
<b>Tercijarno slobodno tržište</b>	23.313	5.612	16
<b>Emitenti u stečaju</b>	0	0	0
<b>Ukupno:</b>	<b>3.607.082</b>	<b>1.975.966</b>	<b>638</b>

Koristeći infrastrukturu Sarajevske berze – burze, u septembru su održane deveta i deseta emisija trezorskih zapisa Federacije Bosne i Hercegovine. Metodom višestrukih cijena upisano je ukupno 5.000 trezorskih zapisa, čime je za emitenta prikupljeno ukupno 49.532.912,62 KM.

Na Kotaciji kompanija ostvaren je promet dionicama emitenta "Bosnalijek" d.d. Sarajevo u iznosu od 258.703,43 KM što čini 7,17% od ukupno ostvarenog redovnog prometa. Zvanični kurs emitenta porastao je za 3,30% u odnosu na prethodni mjesec. Dionicama emitenta "Klas" d.d. Sarajevo, nije bilo zaključenih transakcija u septembru 2013. godine. Na ovom segmentu tržišta prometovano je ukupno 19.013 dionice.

Na Kotaciji fondova, promet ostvaren u septembru iznosio je 214.795,55 KM ili 5,95% od ukupno ostvarenog redovnog prometa. Najveći promet na Kotaciji fondova ostvaren je dionicama ZIF "BIG Investiciona grupa" d.d. Sarajevo u iznosu od 53.918,16 KM, i mjesečnim padom kursa od 1,33%. Na drugom mjestu po prometu nalazi se ZIF "Bonus" d.d. Sarajevo sa ostvarenim prometom od 39.242,32 KM, i mjesečnim padom kursa od 8,07%. Dionicama ZIF "Herbos fond" d.d. Mostar trgovano je u obimu od 38.961,17 KM, i bez promjene vrijednosti dionica u odnosu na prethodni mjesec. Na ovom segmentu tržišta prometovane su ukupno 54.373 dionice.

Na Kotaciji obveznica, promet ostvaren u septembru iznosio 1.414.189,12 KM ili 39,21% od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 644.746,24 KM, dok je sa obveznicama stare devizne štednje FBiH ostvaren ukupan promet u iznosu od 769.442,88 KM. Na ovom segmentu tržišta u sklopu 165 transakcija prometovano je 1.811.934 obveznice.

Promet na Primarnom slobodnom tržištu iznosio 1.079.518,91 KM ili 29,93% od ukupno ostvarenog redovnog prometa. Najveći promet na Primarnom slobodnom tržištu u septembru ostvaren je sa dionicama emitenta BH "Telecom" d.d. Sarajevo u iznosu od 220.383,75 KM. Na drugom mjestu po ostvarenom prometu nalazi se emitent "BOR Banka" d.d. Sarajevo sa iznosom od 161.707,53 KM. Treće i četvrto mjesto zauzimaju JP "Elektroprivreda HZHB" d.d. Mostar sa prometom od 139.401,81 KM, te "Vakufska Banka" d.d. Sarajevo sa ostvarenim prometom u iznosu od 124.950,00 KM.

Promet na Sekundarnom slobodnom tržištu iznosio je 616.561,92 KM ili 17,09% od ukupno ostvarenog redovnog prometa. Najveći promet na Sekundarnom slobodnom tržištu u septembru ostvaren je sa dionicama emitenta BNT "Holding" d.d. Novi Travnik u iznosu od 576.145,00 KM. Na drugom mjestu po ostvarenom prometu nalazi se emitent "Vispak" d.d. Visoko sa iznosom od 21.080,00 KM. Treće i četvrto mjesto zauzimaju Mann + Hummel BA dd Tešanj sa prometom od 7.095,20 KM, te DC Tešanj Kraševo d.d. sa ostvarenim prometom u iznosu od 4.859,82 KM.

Promet na Tercijarnom slobodnom tržištu iznosio je 23.313,70 KM; u sklopu 16 transakcija prometovano je 5.612 dionica. Najveći promet na Tercijarnom slobodnom tržištu u septembru ostvaren je sa dionicama emitenta "Herbos-Invest" d.d. Mostar u iznosu od 8.800,00 KM


Na Tržištu za emitente u stečaju nije bilo zaključenih transakcija.

	Kotacija kompanija	Kotacija fondova	Kotacija obveznica	Primarno slobodno tržište	Sekundarno slobodno tržište	Tercijarno slobodno tržište	Emitenti u stečaju	Ukupno
<b>Promet (KM)</b>	258.703	214.795	1.414.189	1.079.518	616.561	23.313	0	<b>3.607.082</b>
<b>Prometovanih VP</b>	19.013	54.373	1.811.934	59.522	25.482	5.612	0	<b>1.975.966</b>
<b>Broj transakcija</b>	55	150	165	234	18	16	0	<b>638</b>

#### *Indeksi i tržišna kapitalizacija:*

Kod indeksa investicijskih fondova BIFX-a, u mjesecu septembru, zabilježen je pad vrijednosti od 2,43%. Pala je i vrijednost indeksa Primarnog Slobodnog tržišta SASX-30 za 0,50% u odnosu na prethodni mjesec. Vrijednost indeksa SASX-10 porasla je za 0,46% u odnosu na prethodni mjesec.

Pokazatelj	Zadnji dan prethodnog perioda	Zadnji dan perioda	Promjena
Tržišna kapitalizacija	4.721.862.414,21	4.498.270.506,32	-4,74%
BIFX	1.546,23	1.508,60	-2,43%
SASX-10	767,38	770,88	0,46%
SASX-30	905,27	900,74	-0,50%



*Emitenti na SASE:*

<b>Ukupno emitenata</b>	221
<b>Minimalno jedna trgovina u periodu</b>	70
<b>Kotacija kompanija</b>	2
<b>Kotacija fondova</b>	11
<b>Primarno Slobodno tržište</b>	30
<b>Sekundarno Slobodno tržište</b>	118
<b>Tercijarno slobodno tržište</b>	47
<b>Emitenti u stečaju</b>	13
<b>Novo-uvrštenih emitenata</b>	25
<b>Obustava prometa</b>	8
<b>Opoziv obustave prometa</b>	6

*Promet po emitentima:*



<b>Emitent</b>	<b>promet</b>	<b>broj transakcija</b>	<b>promjena kursa</b>
<b>BNT Holding d.d. Novi Travnik</b>	576.145	1	-25,06%
<b>FBiH stara devizna štednja serija F</b>	304.648	6	0,20%
<b>Bosnalijek d.d. Sarajevo</b>	258.703	55	3,30%
<b>BH Telecom d.d. Sarajevo</b>	220.383	47	-0,62%
<b>FBiH obveznice ratna potraživanja ser. E</b>	198.122	26	1,69%
<b>BOR BANKA DD SARAJEVO</b>	161.707	7	-4,39%
<b>FBiH obveznice ratna potraživanja ser. C</b>	145.070	18	3,92%
<b>JP Elektroprivreda HZHB Mostar</b>	139.401	13	2,81%
<b>FBiH obveznice ratna potraživanja ser. D</b>	126.757	18	0,60%
<b>Vakufska Banka d.d. Sarajevo</b>	124.950	2	0,00%

U septembru 2013. godine Sarajevskoj berzi -burzi bilo je prijavljeno 7 vanberzanskih transakcija i 1 paket dionica u ukupnom iznosu od 516.909,45 KM.

Datum	emitent	cijena	Broj trgovanih VP	Vrijednost prometa	Broj transakcija
04.09.2013	CENTROTRANS-TRANSPORT ROBE DD SARAJEVO	35,00	38	1.330,00	1
06.09.2013	CENTROTRANS DD KAKANJ	1,00	1.258	1.258,00	1
06.09.2013	ZIM DD ZENICA	1,98	480	950,40	1
12.09.2013	GORAŽDE PUTEVI DD GORAŽDE	15,00	160	2.400,00	1
17.09.2013	INTERŠPED TUZLA DD TUZLA	18,00	188	3.384,00	1
27.08.2013	TRANSTURIST DD TUZLA	30,00	210	6.300,00	1
<b>Ukupno</b>			<b>2.753</b>	<b>16.250,00</b>	<b>7</b>

#### Struktura investitora:

	Kupovna strana	Prodajna strana
<b>Domaći investitori</b>	81,24%	55,74%
<b>Strani investitori</b>	3,41%	4,09%
<b>Skrbnički računi</b>	15,35%	40,17%



## *Vijesti sa tržišta kapitala*

- Koristeći infrastrukturu Sarajevske berze-burze, uspješno su završene deveta i deseta javna ponuda trezorskih zapisa Federacije Bosne i Hercegovine. Metodom višestrukih cijena upisano je ukupno 5.000 trezorskih zapisa, čime je za emitenta prikupljeno ukupno 49.532.912,62 KM.
- Na Kotaciju SASE uvršteni su vrijednosni papiri – obveznice pete emisije po osnovu verifikovanih računa stare devizne štednje emitenta Brčko distrikt BiH.
- Registar vrijednosnih papira u Federaciji BiH, na osnovu zahtjeva emitenta Aluminij d.d. Mostar, kao i rješenja Komisije za vrijednosne papire F BiH , dana 09.09.2013.g. izvršio je registraciju navedenog emitenta, kao i registraciju emisije redovnih dionica. Broj emitovanih dionica je 190.110, nominalna vrijednost dionice je 1.000,00 KM, a dionice nose oznaku ALUMR. Ukupna vrijednost registrovane emisije dionica je 190.110.000,00 KM.

## *Biznis vijesti*

- **U BiH lani ukupno investirano 4,48 mlrd KM**

Pravne osobe u Bosni i Hercegovini u 2012. godini ukupno su investirale 4,48 mlrd KM, što je za 6% više nego u prethodnoj godini, najnoviji su podaci Agencije za statistiku BiH. Investicije u nova stalna sredstva (imovina koja je nabavljena neposredno od izvođača građevinskih radova, odnosno proizvođača opreme, proizvedena u vlastitoj režiji ili nabavljena putem finansijskog lizinga) iznosile su lani 4,10 mlrd KM, što predstavlja povećanje od 5,8%. Najveća ulaganja u ukupnim investicijama u 2012. godini su imali prerađivačka industrija 787,5 mil KM ili 17,5%, trgovina na veliko i malo 613,7 mil KM ili 13,7%, javna uprava i odbrana 525,2 mil KM 11,7%, proizvodnja i snabdijevanje električnom energijom 515,7 mil KM ili 11,5%, vađenje ruda i kamena 328,7 mil KM ili 7,3%. U prevoz i skladištenje je investirano 376,9 mil KM, u informacije i telekomunikacije 380,5 mil KM, u stručne, naučne i tehničke djelatnosti 201,8 mil KM, građevinarstvo 170,7 mil KM, u poslovanje nekretninima 58,8 mil KM. Od ukupnih investicija najviše je investirano u građevinske objekte i prostore oko 2 mlrd KM, a isto toliko investirano je u mašine, opremu i transportna sredstva. Troškovi prenosa vlasništva zemljišta iznosili su 5,6 mil KM. U mašine, opremu i transportna sredstva ubjedljivo je najviše investirala prerađivačka industrija - ukupno 544,7 mil KM.

- **Proizvodi "Igmana" i "Unis Ginexa" na listi želja Amerikanaca - Zainteresovani i za podizanje valjaonice obojenih metala u BiH "**

Delegacija američke kompanije "Arma Lite, Inc" su proteklih par dana obišli neke od proizvodnih kapaciteta namjenske industrije Federacije BiH i izrazili zadovoljstvo napretkom u organizacionom, proizvodnom i komercijalnom oporavku namjenske industrije. Posebno su istakli iznenađenje napretkom u radu "Igmana" iz Konjica i "Unis Ginex" iz Goražda, čije proizvode imaju

namjeru naručiti za američko tržište. Istakli su i zainteresovanost za buduća ulaganja u podizanje valjaonice obojenih metala za potrebe namjenske industrije.

- **Potpisan Protokol o ekonomskoj saradnji BiH i Mađarske**

Protokol Ministarstva vanjske trgovine i ekonomskih odnosa Bosne i Hercegovine i Ministarstva za nacionalnu ekonomiju Mađarske o saradnji malih i srednjih preduzeća, potpisan je u petak (13. septembar 2013.) u Sarajevu. Potpisivanje ovog dokumenta, kako je istaknuto, doprinosi jačoj saradnji između malih i srednjih preduzeća (MSP) te globalnom ekonomskom razvoju i produblivanju odnosa između BiH i Mađarske. Namjera Protokola je pružanje podrške jačanju konkurentnosti mađarskih i bh. preduzeća na regionalnom i globalnom tržištu te obezbjeđivanje razmjene informacija, iskustava kao i uzajamna zaštita interesa unutar sektora MSP. Strane potpisnice se obavezuju da će formirati oblike saradnje na osnovu principa jednakih prava, partnerskih odnosa i uzajamnih interesa između preduzeća u sektoru industije, trgovine, privrede, nauke i obrazovanja, usluga, investiranja i u drugim privrednim granama.

- **BiH sedma u Evropi po bogatstvu vodnog resursa**

BiH je sa oko devet i po metara kubnih vode po stanovniku zemlja sa najvećim količinama vode za piće u regionu, sedma u Evropi, a po vodnim resursima bogatija je od mnogih zemalja svijeta, uključujući Kinu, Francusku, Njemačku, Japan i SAD, podaci su Svjetske banke za 2012. godinu. BiH ima i veoma mnogo prirodnih i termalnih izvora, među kojima su veoma rijetki mineralni izvori koji su poznati u stručnim krugovima i cijelom svijetu, kao što su Crni Guber, Kulaši i Gračanica. Postoji i značajan broj sumpornih izvora, od kojih su najpoznatiji Ilidžanski termalni sumporni izvori, termalna radioaktivna voda Fojnice i ljekovita termalna voda Banje Vrućice, saopšteno je iz Ministarstva spoljne trgovine i ekonomskih odnosa BiH, povodom 27. septembra - Svjetskog dana turizma. Brojni prirodni izvori su obrađeni u geološkom, hidrogeološkom i fizičko-hemijskom pogledu i pored njih se nalaze stacionirani objekti za potrebe zdravstvenog turizma (Kulaši, Dvorovi, Gata, Višegrad, Kladanj, Tuzla, Olovo i druge banje).

- **"Prevent" planira izvoz od 1,5 miliona auto presvlaka**

Prema nedavno objavljenim rezultatima istraživanja revizorske kuće "Deloitte" iz Hrvatske, "Prevent" grupacija iz Bosne i Hercegovine našla se među 500 najvećih kompanija centralne Europe. Na ovoj listi "ASA Prevent" je 110. kompanija u proizvodnom sektoru i među top 20 kompanija u sektoru automobilske industrije. Ova kompanija najpoželjniji je poslodavac u oblasti proizvodnje i prodaje. Ove godine intenzivirane su aktivnosti u vezi s početkom proizvodnje u Travniku i Srebrenici, što će biti direktni doprinos zapošljavanju i ekonomskom razvoju ovih gradova. Konačno, sastavni dio strateškog djelovanja je upravljanje okolišem, na čemu kompanija intenzivno radi u saradnji s relevantnim institucijama i lokalnom zajednicom. Ovakvi rezultati govore koliko je "Prevent" grupacija rasla u proteklim godinama te potvrđuju njihov moto - pokretačka snaga bh. ekonomije. Iz "Preventa", ipak, naglašavaju kako treba biti oprezan pri prognozama za iduću godinu s obzirom na negativnu konjunkturu u kojoj se automobilska industrija nalazi. Veliki proizvođači automobila najavljuju smanjenje narudžbi, a pravi oporavak se očekuje do 2015. godine.